



Republika e Kosovës
Republika Kosova- Kosova Cumhuriyeti
Kuvendi i Komunës



Komuna e Prizrenit
Opština Prizren – Prizren Belediyesi

PROCESVERBALI

Nga mbledhja e Jashtëzakonshme e Kuvendit të Komunës, mbajtur më 24 dhjetor 2025, duke filluar nga ora 10:00, në Kuvendin e Komunës së Prizrenit.

Në mbledhjes ishin të pranishëm 41 anëtarët e të Kuvendit të Komunës dhe Kryetari i Komunës z. Shaqir Totaj.

Po ashtu të pranishëm ishin edhe përfaqësuesit e shoqërisë civile si dhe përfaqësuesit e mediumeve.

Mbledhjen e hapi dhe kryesoi z. Haziz Hodaj, anëtari më i vjetër i Kuvendit të Komunës së Prizrenit, ku dhe i përshëndeti të gjithë të pranishmit.

Haziz Hodaj (Kryesues i Mbledhjes): Atëherë, mirëmëngjes, përshëndetje për të gjithë. Përshëndetje për Kryetarin e Komunës edhe po e shfrytëzoj rastin që nëpërmes kësaj foltore me ja uruar ditëlindjen sot. Me ju uru shëndet edhe punë të mbarë në edhe në mandatin e ri. Përshëndes anëtarët e zgjedhur të Kuvendit, Nënkryetarin e komunës, përfaqësues të medias, të shoqërisë civile, dhe mysafirë të tjerë që janë prezent në sallë. Siç e dini, mbledhja është thirrje jashtëzakonshme me kërkesën e kryetarit të komunës me një pikë të vetme të rendit ditës, zgjedhja e kryesuesit të Kuvendit të komunës. Konstatohet se kuorum ka, domethënë janë 41. Po të gjithë anëtarët të Kuvendit prezent dhe pa humbur kohë ne mund të fillojmë dhe të procedojmë me procedurën e zgjedhjes së kryesuesit, por paraprakisht do të ftoja zyrtarin ligjor të kuvendit që të sqarojë mënyrën e zgjedhjes së kryesuesit. Urdhno.

Arbër Krasniqi (Zyrtar i shërbimit të Kuvendit): Përshëndetje i nderuar kryesues i seancës, kryetar i komunës, nënkryetar, anëtarë të kuvendit dhe të gjithë të pranishëm. Atëherë, të nderuar anëtarë të kuvendit para jush do të sqaroj procedurat për zgjedhjen e kryesuesit të kuvendit, ashtu siç është përcaktuar me Ligjin për Vetëqeverisjen Lokale si dhe me Udhëzimin Administrativ nr. 2009/01 për procedurën e zgjedhjes dhe përgjegjësitë e kryesuesit të kuvendit të komunës. Në përputhje me dispozitat ligjore, Kuvendi i Komunës duhet që 30 ditë pas konstituimit të kuvendit të zgjedhë kryesuesin nga radhët e anëtarëve të tij. Nëse brenda këtij afati Kuvendi nuk e zgjedh kryesuesin, atëherë kuvendi konsiderohet jo-funksional. Procedura për zgjedhjen e kryesuesit të kuvendit fillon me propozimin e kandidatëve për kryesues. Çdo subjekt politik, nismë qytetare apo kandidat i pavarur i përfaqësuar në kuvendin e komunës ka të drejtë të propozojë një kandidat për

kryesues. Pasi të përfundojë procedura e propozimeve të kandidatëve, Kuvendi me shumicë të thjeshtë formon një komision për mbarëvajtjen e procesit të votimit në përbërje prej 3 deri 5 anëtarë të Kuvendit të Komunës. Komisioni është përgjegjës për numërimin e votave dhe komunikimin e rezultateve, para anëtarëve të kuvendit. Votimi për zgjedhjen e kryesuesit të kuvendit bëhet me vota të fshehta dhe procedura e votimit është paraparë të zhvillohet deri në tre raunde në rast se kandidatët nuk sigurojnë shumicën e kërkuar.

- Për t'u zgjedhur në votimin e parë, kandidati duhet të marrë më shumë se gjysmën e votave të numrit të përgjithshëm të anëtarëve të zgjedhur.
- Në rast se në votimin e parë asnjëri prej kandidatëve nuk e siguron shumicën e kërkuar, atëherë dy kandidatët me numrin më të madh të votave shkojnë në votimin e dytë. Kandidati që merr më shumë se gjysmën e votave të numrit të përgjithshëm të anëtarëve të zgjedhur do të zgjedhet kryesues i kuvendit të komunës.
- Nëse edhe pas votimit të dytë asnjëri nga kandidatët nuk ka fituar shumicën e kërkuar, atëherë shkohet në votimin e tretë. Në votimin e tretë kryesues i Kuvendit të Komunës zgjedhet kandidati, i cili merr më shumë se gjysmën e votave të anëtarëve të pranishëm dhe që votojnë. Nëse edhe pas votimit të tretë nuk zgjedhet kryesuesi i kuvendit, atëherë i tërë procesi përsëritet nga fillimi.

Ju falënderoj për dëgjim.

Haziz Hodaj (Kryesues i Mbledhjes): Faleminderit Arbër. Atëherë shkojmë menjëherë me propozimin e kandidatëve dhe do të ftoja partitë politike në radhë të parë Partisë Demokratike të Kosovës që të propozojë një kandidat për kryesues të kuvendit.

Arianit Berisha (PDK): Përshëndetje të gjithëve, i nderuar Kryesues, i nderuar Kryetar, të nderuar kolegë kuvendarë, të nderuar të pranishëm, në emër të grupit kuvendarëve të Partisë Demokratike të Kosovës, kam kënaqësinë që ta propozoj zotëri Simir Krasniqin për kryesues. Një biografi të shkurtër për Simirin. Simiri është i lindur në Jeshkovë. Ka gradën shkencore doktor i shkencës në shkencat mjedisore. Ka një përvojë të gjatë në arsimin parauniversitar dhe universitar. Gjithashtu i njëjti ka qenë kuvendar i Prizrenit në mandatin 2017-2021, ku e ka ushtruar edhe detyrën e shefit të grupit. Pastaj në mandatin 2021-2023 ka qenë kuvendar i Partisë Demokratike të Kosovës, ndërsa nga viti 2023 deri në vitin 2025 ka shërbyer si drejtor i shëndetësisë. Prandaj propozimi i Partisë Demokratike të Kosovës është Simir Krasniqi për Kryesues të Kuvendit. Faleminderit.

Haziz Hodaj (Kryesues i Mbledhjes): Faleminderit. Partitë tjera politike, Lëvizja Vetëvendosje ka propozim?

Dafina Alishani (LVV): Përshëndetje kryesues. Lëvizja Vetëvendosje nuk ka propozim.

Haziz Hodaj (Kryesues i Mbledhjes): Faleminderit Lidhja Demokratike nuk ka gjithashtu. Tjetër propozim nga anëtarët e kuvendit? Po konstatoj se nuk ka propozime të tjera. Paraprakisht para se me fillu procedurën do të duhej me formu një komision prej tre deri në pesë anëtarë që do ta zhvillonin, do ta udhëhiqnin procedurën e zgjedhjes së kryesuesit. Partia Demokratike?

Arianit Berisha (PDK): Në emër të Partisë Demokratike e propozoj kuvendaren Luljeta Gutaj Veselaj që të jetë anëtare e komisionit.

Haziz Hodaj (Kryesues i Mbledhjes): Faleminderit. Lëvizja Vetëvendosje.

Dafina Alishani (LVV): Në emër të Lëvizjes Vetëvendosje propozoj Adem Shabanaj.

Haziz Hodaj (Kryesues i Mbledhjes): Faleminderit. Atëherë a do të shkojmë me tre apo me më tepër kandidat? Cili është Po po patjetër, patjetër. Nuk e harrojmë komunitetin, këtu jemi. Atëherë shkojmë me një propozim nga komunitetet Pakicë.

Furkan Butuci (KDTP): Propozojmë Sevilya Igci Hapçi

Haziz Hodaj (Kryesues i Mbledhjes): Atëherë unë po konstatoj që nuk ka të interesuar nga Lidhja Demokratike, nga anëtarë të tjerë të kuvendit që të ketë më tepër anëtarë të komisionit, shkojmë me tre anëtarë. Urdhëro zoti Quni.

Shukri Quni (BDP): Kemi anëtarë të tjerë këtu. Unë thashë a keni unë Kryesues, unë thashë mos po shkon me rend aty te të gjitha partitë. Përshëndetje kryesues. Përshëndetje kryetar, përshëndetje për të gjithë kuvendarët. Edhe ne Partia e Bashkimit Demokratik e kemi domethënë kandidatin, është Sefidin Islamaj.

Haziz Hodaj (Kryesues i Mbledhjes): Faleminderit shumë. Atëherë tash duhet me shku me numër tek apo edhe katër? Edhe një. Atëherë nga Lidhja Demokratike le të jetë edhe një propozim edhe shkojmë me pesë anëtarë të komisionit.

Qemal Krasniqi (LDK): Grupi i kuvendarëve të LDK-së propozon Agnesa Sinanaj.

Haziz Hodaj (Kryesues i Mbledhjes): Faleminderit shumë. Gjithsesi ky komision duhet të votohet sepse tash jemi të betuar dhe kemi drejt vote. Kështu që po kërkoj që komisioni i propozuar prej: Luljeta Veselaj, Adem Shabanaj, Sevilya Igci Hapçi, Sefedin Islamaj dhe Agnesa Gavazaj Sinanaj. Atëherë kërkoj që të votohet ky komision dhe të shkohet në proces të votimit mandej. Kush është për? Atëherë konstatoj që Unanimisht do zgjedh komisioni për zgjedhjen e kryesuesit. Kisha kërkuar ja pesë minuta, eventualisht 10 minuta pauzë derisa shërbimet t'i përgatitin teknikisht flet votimet. 10 minuta pauzë. Komisioni le të tërhiqet në vendet e tyre dhe të fillojnë punën.

Pas pauze

Haziz Hodaj (Kryesues i Mbledhjes): Atëherë, unë po konsideroj që komisioni ka kryer punën e vetë të përgatitjes teknike dhe të gjithë janë prezent anëtarë të kuvendit, kështu që mund të fillojmë menjëherë me procedurat e votimit.

Adem Shabanaj (Anëtar i Komisionit): Mirë, atëherë përshëndetje për të gjithë, të nderuar kolegë kuvendar, i nderuar kryetar i komunës, kryesues i kësaj seance, media dhe ju të pranishëm.

Kërkoj mirëkuptimin tuaj meqenëse Selman Sokoli është me punë në Prishtinë edhe po kërkon që të tejkalojë radhitjen alfabetike, të votojë i pari. Nëse nuk ka ndonjë problem kisha filluar me Selmanin. A pajtoheni? Atëherë ftoj :

Selman Sokolin. Le të përgatitet:

Adem Morina

Adem Shabanaj

Agim Muqaj

Agnesa Sinanaj Gavazaj

Alban Bislimaj

Albulena Balaj Halimaj

Arianit Berisha

Astrit Temaj

Bexhat Bytyqi

Dafina Alishani

Dea Gavazaj

Drita Qenaj

Driton Sallauka

Dzengis Saliji

Eldis Abazi

Endrit Zogaj

Florent Ukaj

Furkan Bütüçi

Haziz Hodaj

Illir Gashi

Islam Ukaj

Karanfil Haxhillari

Liridona Veçgishti

Luljeta Veselaj Gutaj

Mergiton Gavazaj

Mimoza Memaj

Nazife Kokollari

Nerimane Pllana Gashi

Petrit Hoxhaj

Qemal Krasniqi

Sefidin Islamaj

Sevil Kazazi

Sevilya Igci Hapçi

Shqipe Shatri Çoçaj

Shukri Quni

Simir Krasniqi

Tefik Tarashaj
Ymran Fusha
Zgjim Kryeziu
Zikreta Aliti.

Haziz Hodaj (Kryesues i Mbledhjes): A kanë votuar të gjithë? Po. Atëherë filloni me procedurën e numërimit edhe le të jenë transparent numërimi. Për anëtarët e komisionit jam duke folur. Filloni procesin e numërimit edhe le të jenë transparent gjatë numërimit.

Luljeta Veselaj Gutaj (Anëtare e Komisionit): Kolegë të nderuar, përshëndetje për të gjithë, i nderuar Kryetar i Komunës. Komisioni pas votimit dhe pas verifikimit nga 41 anëtarë të kuvendit sa morën pjesë në votim, 41 fletvotime janë të vlefshme. Vazhdojmë me procesin e votimit, si kanë votuar! Ju lutem një nga anëtarët e komisionit të mbajë proces dhe të bëjë numërimin e votave.

Pra pas konstatimit të komisionit verifikues, nga 41 anëtarë të Kuvendit, të cilët votuan, 29 anëtarë të Kuvendit kanë votuar Për Simir Krasniqin kryesues të Kuvendit, 11 kanë votuar Kundër, kurse 1 është Abstenim. Urime, shëndet dhe suksese kryesuesi i Kuvendit në komunën e Prizrenit, zoti Simir Krasniqi.

Haziz Hodaj (Kryesues i Mbledhjes): Faleminderit anëtareve të komisionit. Atëherë, urime Kryesuesit të ri dhe thërras ta merr vendin dhe ta kryesoj këtë Kuvend. Po shpresojmë ashtu si duhet. Faleminderit edhe njëherë për procesin korrekt.

Simir Krasniqi (Kryesues i zgjedhur i Kuvendit): I nderuar Kryetar i Komunës së Prizrenit zoti Shaqir Totaj. I nderuar kryesues i kësaj seance të Kuvendit Komunal zoti Haziz Hodaj. Të nderuar kuvendarë të kësaj legjislature të re, përfaqësues të mediave, shoqërisë civile, të nderuar qytetarë të komunës së Prizrenit dhe ju të pranishëm në këtë seancë. Të nderuar kuvendarë nga të gjitha subjektet politike këtu në Kuvend, ju faleminderit për votën tuaj, që më dhatë besimin që të jem Kryesues i Kuvendit Komunal të Komunës së Prizrenit. Përgjegjësia ime, si Kryetar i Kuvendit të Komunës së Prizrenit, më bën të ndihem edhe më përgjegjës para qytetarëve të Komunës sonë. Zotohem se do t'i zbatoj plotësisht të gjitha kërkesat për të gjitha subjektet politike të Komunës së Prizrenit do të jem bashkëpunues me të gjithë pa dallim partie, të gjitha ata kërkesa të qytetarëve pra do t'i përcjellim bashkërisht gjatë këtij mandati katërvjeçar. Do të bashkëpunoj me të gjitha komitetet, Komitetin për Politikë dhe Financa, Komitetin për Komunitete, Komitetet obligative që ky Kuvend të jetë sa më produktiv dhe sa më frymëzon që të gjitha punët, të gjitha vendimet dhe rregulloret të jenë në nivel me ligjin për vetëqeverisjen lokale, rregulloren e Kuvendit dhe statutin e Kuvendit. Dhe për fund ju faleminderit pra të gjitha subjekteve politike në Kuvendin Komunal të Prizrenit. Ju faleminderit të gjithëve.

Vazhdojmë pra me radhë, duke u mbështetur në dispozitat e ligjit për vetëqeverisje lokale të kuvendit të komunës, ku së paku 10% e qytetarëve i takojnë komunitetit jo shumicë, pra, posti i zëvendës kryesuesit i takon asaj partie sipas KQZ-së, e cila ka marrë numrin më të madh të votave.

Dhe në këtë rast, pra, ftojme zotin Furkan Butuç që të merr pozitën e zëvendës kryesuesit të Kuvendit Komunal. Urime. Pra ju faleminderit për pjesëmarrjen dhe në fund dua të ju uroj festat e fundvitit dhe vitin e ri të gjithëve juve që jeni këtu në sallë dhe të gjithë qytetarëve të komunës së Prizrenit dhe uroj që viti 2026, të jetë i shëndetshëm, të sjellë mbarësi dhe gjithë të mirat për ju dhe gjithë qytetarët e komunës së Prizrenit. Dhe këtë seancë e llogarisim të mbyllur pra, vazhdojmë me seancat tjera. Ju faleminderit.

Mbledhja përfundoi në ora 10:40

